



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Q. 5. Quænam requiruntur ad implemædum præceptum auditionis Missæ.

urn:nbn:de:hbz:466:1-40986

Si operibus spiritualibus orationis, meditationis, auditionis divinorum, lectionis, & eleemosynis, & hujusmodi. ait S. Antoninus, p. 2 tit. 9. c. 7 §. 4. addens, quod abstinere quidem ab opere servili, & Missam audire sit in præcepto obligante sub mortali, non tamen vacare Deo pro majore parte diei, quamvis non sic vacare peccatum sit, scilicet veniale. Quare Rituale Tullense docet fideles non posse sine legitima excusatione ab esse à Vesperis. Enim verò promeridianum tempus sanctificari debet per illarum auditionem; ideo enim ubique solemniter diebus Festis canuntur, & ad illas populus convocatur.

Resp. II. Speciatim omnes fideles usus rationis prædicti tenentur sub mortali audire Missam, ut constat ex sensu, praxi Ecclesiæ, & ex variis Conciliis. Imò omnes Jure divino & naturali, supposita institutione hujus unius Sacrificii, tenentur sæpe in vita interesse Missæ Sacrificio; quia jure naturali tenentur Deo supremum cultum internum & externum sæpe exhibere per Sacrificium ab ipso institutum. Unde Ecclesia solùm determinavit tempus, & addidit alias preces ac Cæremonias sacras, ut dignè ac devotè celebretur.

Q. 5. Quenam requiruntur ad implendum præceptum auditionis Missæ?

Resp. Sequentia. 1. Ut audiatur Missa inte-

integra: constat tum ex sensu, & praxi Ecclesiae: tum ex c. 62. de Consecr. dist. i. ibi; *Missas die Dominico secularibus totas audire speciali ordine præcipimus: ita ut ante Benedictionem Sacerdotis egredi populus non presumat.*

Qui Canon Conc. Agathensis ab universalis Ecclesia receptus est, & ejus legem, ac consuetudinem continet. Die autem Dominica cæteri dies Festi pari ratione comprehenduntur, cum æquè sint divino cultui addicti. Porro ibi fit mentio Secularium, sed ampliatively, non exclusivè, & subintelligitur vox *etiam*, & Ecclesiae sensus ad omnes extendit, ex c. *Omnes* ead. dist. Hinc juxta omnes mortale est sine justa causa excusante omittere partem Missæ notabilem, ut tertiam: veniale vero, si pars exigua sine causa omittatur: Nam præcipitur auditio Missæ non solum quoad Sacrificium, sed etiam quoad totam liturgiam: scilicet preces, lectiones, actiones, & Cæremonias sacras, quæ in ea fiunt.

Porro juxta multos peccat solum venialiter, qui ab initio Epistolæ usque ad finem Missæ interest, quia putant partem omissam non esse notabilem. At ex communione omissione initii Missæ, & aliorum usque ad Evangelium inclusivè, imò secundum multos etiam exclusivè, est mortal is; quia hæc pars omissa est notabilis respectu Missæ. Imò est mortale abesse solo tempore con-

ſer

secratōnis; nam est pars māximē notabilis, & principalis, cūm in ea consistat essentia Sacrificii, & Ecclesia præcipiat Missam principaliter quoad Sacrificium. Idem dicunt aliqui de Communione Sacerdotis; quia vel est essentialis pars Sacrificii, vel saltem est de illius integritate, & comple-
mento substantiali, ac proinde est pars no-
tabilis; pars enim notabilis aestimari debet
non solum ex diuturnitate, sed etiam ex
dignitate operis: nec leve censeri debet,
abesse ab essentia, vel integritate ac com-
plemento Sacrificii, cui toti interesse rene-
ris. Hinc qui potest solum interesse Con-
secrationi, & Reliquæ parti Missæ, ad id
tenetur, cūm illa pars sit principalis, & con-
tineat essentiam Sacrificii, nec principale
sequatur accessorium *de Lugo.*

Cæterū tota Missa ejusdem Sacerdotis
audienda est, ut constat ex sensu & praxi
Ecclesiae. Quare non satisfacit, qui plu-
res partes simul à diversis audit; nam Ec-
clesia præcipit, ut audiatur sacrum per mo-
dum totius successivi, cūm revera tale sit:
& Innoc. XI. damnavit hanc propos. Sa-
tisfacit præcepto Ecclesia de audiendo sa-
cro, qui duas ejus partes, imò quatuor si-
mul à diversis celebrantibus audit. Ne-
que etiam satisfacit, qui duas partes à duo-
bus Sacerdotibus successivè audit; quia
partes diversarum Missarum non faciunt
unam Missam integrā, cūm ad se invicem
non

non ordinentur, nec communicentur inter se, sed disjunctæ maneant, & sint partes diversarum Missarum non constituentes unam in ratione Sacrificii, vel actionis sacrae. At præcipitur auditio Missæ integræ.
de Lugo, &c. alii.

2. Requiritur intentio audiendi sacrum tanquam actionem sacram, qua Deo supremus cultus defertur, & quæ sit saltem implicita, ac virtualis intentio offerendi per Sacerdotem, & cum Sacerdote illud Sacrificium, seu communicandi suâ assistentiâ oblationi Sacrificii, orationibus & aliis actionibus sacris. Nam per illam intentionem auditio Missæ debet determinari, ex parte audiens ad actum Religionis, & cultum supremum, alioqui auditio non esset religiosa, qualis præcipitur; si enim quis interesset Sacro ex mera curiositate spectandi, non ficeret actum Religionis, nec servaret præceptum.

3. Requiritur præsentia corporis humana: ut patet ex verbo *Audiendi*, & ex sensu, ac usu Ecclesiæ; nam ideo necesse est adire locum, in quo Missa celebratur. Sufficit tamen, si quis ex signis quibusdam colligere possit, quid à Sacrificante agatur, spectatâ loci naturâ, sítque per moralem conjunctionem pars ejus multitudinis, quæ dicitur præsens, & est in conspectu altaris. Hinc sufficit sacrum audire ex quovis templi loco, ex quo possis saltem mediantibus aliis

aliis percipere, quid geratur, imò ex gradibus vestibuli, si propior accessus sit impeditus, quamvis per accidens sacrificans non videatur, nec audiatur.

4. Requiritur moralis, ac pia præsentia, ita, ut quis sit non solum corpore præsens, sed etiam animo pīe intentus in res divinas, seu in ipsum Deum per preces, oblationem Sacrificii, laudem, amorem, &c. Nam præcipitur auditio Missæ religiosa, qua Deus colatur. At Deus non colitur verè sine attentione ad divina, & pia aliqua affectione; nam Deum, *in spiritu, & veritate oportet adorare.* Jo. 4. Quare Trident. sess. 22. non permittit Sacrum fieri in privatis domibus, nisi priùs, qui intersint, decenter composito corporis habitu, declararint, se mente etiam, ac devoto cordis affectu, non solum corpore adesie. Et Clerus Gallican. an. 1700. damnavit hanc propos. Ecclesiæ præcepto (audiendi Missam) satisfit per reverentiam exteriorem, animo licet voluntarie in aliena, imò in prava cogitatione defixo. Hinc qui per notabilem Missæ partem confabulatur, vel dormit, vel res alias fixè considerat, vel voluntariè distrahitur, peccat mortaliter; nisi aliam postea Missam audire statuerit. Satisfaciunt tamen, qui quoquo modo Ministrant Sacro, etsi occupentur quærendis è Sacristiâ necessariis, v. g. Vino, Thure, &c. quia hæc ordinantur ad Missam,

&

& fiunt in loco, qui communicat templo, unde non censentur moraliter abesse; Item satisfaciunt, qui occupantur pulsandis Organis, vel solibus attollendis; quia hæc ordinantur ad solemnitatem Officii, nec tollunt advertentiam ad ea, quæ in arage runt. Qui verò notabili tempore Missæ confitetur, non satisfacit præcepto: nam caret attentione ad Missam requisita, vide licet attentione ad Deum, divinâve Mysteria: qualis esse nequit in narrandis, & investigandis peccatis, eorumque circumstantiis, & in colloquio cum Confessario. Ita Suarez, de Lugo, Azor, &c.

Not. 1. Communiter docent, non esse jure communi obligationem audiendi, aut faciendi tria Sacra die Natali Christi, neque audiendi Sacrum Feriâ 5. Et Sabbato, aut Officium Feria 6. Majoris hebdomadæ.

Not. 2. Circa Parochiæ frequentationem, hæc habet Trid. sess. 22. Moneant (Episcopi) populum, ut frequenter ad suas Parochias, saltem diebus Dominicis, & majoribus Festis, accedant. & Sess. 24. c. 4. Moneat Episcopus populum diligenter, teneri unumquemque Parochia sua interese, ubi commode id fieri potest, ad audiendum Verbum Dei. Clerus verò Gallican. An. 1700. damnavit hanc propos. Nullus in foro conscientie Parochia sua interesse tenetur.

Q. 6.